

INUIT ATAQATIGIIT

INATSISARTUNI



UKA2021/026

06. Oktober 2021

Mariane Paviaisen

**Utoqqaat illersuisuat pillugu Inatsisartut inatsisaata allanngortinnissaa
pillugu Inatsisartut inatsisaat.**

(Isumaginninnermut Sulisoqarnermullu Naalakkersuisoq)

Inuit ataqatigiinni inuiaqatigiit pisinnaatitaaffiissa, atugarisaasalu pitsangorsaavigiuarnissaat aammalu annertuumik ilisimasaqarfiginissaat pingaartitarapput, illersuisoqartarneq Inuit Ataqatigiit Inatsisartuni siunnersuuteqarnerisa kingunerisaannik Meqqat illersuisuat pilersinneqarnikuuvvoq, ullumikkullu assut Meeqqat illersuisuat meeqqat atugarisaannut annertuumik ilisimasaqarfittut inissismavoq pingaarutilerujussuulluni uagut qinikkatut suut suliarisariaqarnerippumik tikkuusisartoq pinngitsoorsinnaanngisarput.

Siunnersummi utoqqaat illersuisuata nammineerluni allattoqarfeqalersinniarneqarpoq, taamaalilluni utoqqaat illersuisuata politikkikkut attuumassuteqanngitsumik suliassaminik isumaginnisinnaalernissaa aqqutissiunneqarpoq.

Utoqqaat illersuisuata illersuisut allat assigalugit kiffaanngissuseqarnerulluni suliassaminik aaqqissuusisartunngortinneqarnissaa ajoqtissartaqanngitsoq isumaqarpugut, illersuisunut atugassarititaasunut assingusumik inissittussanngornera nuannaarutissaavoq.

Minnerunngitsumik utoqqarnut taakkumi ulluinnarni atukkaminnik illersuisoqarlutik ingerlanissaat pisariaqavippoq, ullumikkut tusartakkavut aallaavigalugit utoqqartatta atugarisaat arlalitsigut iluarsisariaqartut qinersisoqalersorlu tusartuarparput, maanna utoqqaat atugarisaannut

INUIT ATAQATIGIIT

INATSISARTUNI



pitsangorsaataasussanik siunissami ilisimasanik misisukkanik, katersanillu peqalernissarput kissaatiginaqaaq, utoqqaammi pitsasumik atugaqarnissaat tamatta pingaartikkipput nalunanngikkaluarpooq, taamaammat utoqqaat illersuisuata suliassaaleqissanngeqisup pingaaruteqaqisullu ulluinnarni atugassarititaasunik ersarissaqqataasarnissaa pisariaqartipparput, aammalu utoqqaat namminneq pisinnaatitaaffiinnik suliaqartarnissaa pinngitsoorneqarsinnaanngilaq, suliassaali taakkuinnaanngillat, ulluinnarni aningaasaqarnikkut, inatsisitigullu inissisimaneq ilanngullugu nalunaarusiortarnissaa suliassaannut ilaasussaasapput.

Inuit ataqtigiinniit pingaartittuagaput innuttaasut pisinnaatitaaffiinnik annertuumik sulissuteqartuarnissarput matumuunakkut Utoqqaat illersuisuata pisinnaatitaaffiit malinneqarnerinut tunngasunik suliaqartussaanera ilisimaaralugu neriullaateqarfigalugu minnerunngitsumillu utoqqaat ulluinnarni atugarisaannik misissueqqissaarsimalluni saqqummiussassaannut qilanaarpugut.

Tamakku tunngavilersuutigalugit siunnersuut Inuit Ataqatigiinni isumaqatigaarput ataatsimiititaliamullu susassaqartumut ingerlateqqillugu.